

no, languidus ex Italia in Germaniam reversus, morbo pediculari obiit Arnulphus, Formosi decreta a Stephano VI. aliisque Pontificibus sunt abolita, & LVDOVICO IV. Arnulphi filio & successori a Pontifice in Italia oppositus est LVDOVICVS Bosonis filius: quem secuti sunt RODVLPHVS, Rex Burgundiæ, HVGO, LOTHARIVS, BERENGARIVS II. eum ADELBERTO filio.

§. LVI. Quam vero confusus hac tempestate fuerit Italiæ status, liquido ostendit celebris scriptor Carolus Sigonius initio libri VI. *Historiarum de Regno Italie*, cujus verba non pigrabimur afferre: *Francos Reges Itali excepere. Hi summam sibi rerum hant malo consilio adsciscere nixi intestinis populorum discordiis Italiam perturbant, ac seipsos prorsus una cum Ecclesia perdididerunt, ea tempora in Rempubli- cam inferentes, quibus nulla alia deteriora ac fœdiora fuisse, vel Principum nequitia, vel populorum insania in tota antiquitate reperiuntur.* §. LVII.